

DEKRET
Nr.6217, datë 7.7.2009

**PËR CAKTIMIN E KOMPETENCAVE TOKËSORE DHE TË QENDRËS SË
USHTRIMIT TË VEPRIMTARISË SË GJYKATAVE TË APELIT**

Në mbështetje të nenit 93 të Kushtetutës, si dhe nenit 6, paragrafi 4 të ligjit nr. 9877, datë 18.2.2008 “Për organizimin e pushtetit gjyqësor në Republikën e Shqipërisë”, me propozim të Ministrit të Drejtësisë,

DEKRETOJ:

NENI 1

Në territorin e Republikës së Shqipërisë, gjykatat e apelit organizohen në 6 zona, me kompetencë tokësore dhe qendra të ushtrimit të veprimtarisë së tyre, si më poshtë:

1. Gjykata e apelit Tiranë, me kompetencë tokësore në rrethet gjyqësore Dibër, Krujë, Kurbin, Mat, Tiranë dhe me qendër të ushtrimit të veprimtarisë në qytetin Tiranë.

2. Gjykata e apelit Durrës, me kompetencë tokësore në rrethet gjyqësore Elbasan, Durrës, Kavajë dhe me qendër të ushtrimit të veprimtarisë në qytetin Durrës.

3. Gjykata e apelit Shkodër, me kompetencë tokësore në rrethet gjyqësore Lezhë, Kukës, Pukë, Shkodër, Tropojë dhe me qendër të ushtrimit të veprimtarisë në qytetin Shkodër.

4. Gjykata e apelit Vlorë, me kompetencë tokësore në rrethet gjyqësore Berat, Fier, Lushnjë, Vlorë dhe me qendër të ushtrimit të veprimtarisë në qytetin Vlorë.

5. Gjykata e apelit Korçë, me kompetencë tokësore në rrethet gjyqësore Korçë e Pogradec dhe me qendër të ushtrimit të veprimtarisë në qytetin Korçë.

6. Gjykata e apelit Gjirokastrë, me kompetencë tokësore në rrethet gjyqësore Gjirokastrë, Përmet, Sarandë dhe me qendër të ushtrimit të veprimtarisë në qytetin Gjirokastrë.

Neni 2

Dekreti nr. 1984, datë 07.01.1998 “Për krijimin e gjykatave të apelit dhe caktimin e kufijve tokësore të veprimtarisë së tyre”, shfuqizohet.

Neni 3

Ngarkohet Ministria e Drejtësisë për zbatimin e këtij dekreti.

Neni 4

Ky dekret hyn në fuqi më 1 shtator 2009.

PRESIDENTI I REPUBLIKËS SË SHQIPËRISË
Bamir Topi